

大般若波羅蜜多經

第四百二十五

四十三

麗鹿五

47232



元祿九年丙子二月日重修

皇圖瑛瑛 帝潛綴呂

佛日增輝 懺輪常轉

山城州天安寺法金剛院置



大般若波羅蜜多經卷第四百二十五 麗

三藏法師玄奘奉 詔譯

第二分帝釋品第二十五之一



尔時於此三千大千堪忍世界所有四大天王各與無量百千俱股四大王衆天子衆俱來集會所有天帝各與無量百千俱股三十三天諸天子衆俱來集會所有蘇夜摩天王各與無量百千俱股夜摩天諸天子衆俱來集會所有珊覩史多天王各與無量百千俱股覩史多天諸天子衆俱來集會所有妙變化天王各與無量百千俱股樂變化天諸天子衆俱來集會所有自在天王各與無



量百千俱脰他化自在天諸天子衆俱來集
會所有大梵天王各與無量百千俱脰諸梵
天衆俱來集會所有極光淨天各與無量百
千俱脰第二靜慮天衆俱來集會所有遍淨
天各與無量百千俱脰第三靜慮天衆俱來
集會所有廣果天各與無量百千俱脰第四
靜慮天衆俱來集會所有色究竟天各與無
量百千俱脰淨居天衆俱來集會是四大王
天衆乃至淨居天衆所有淨業具熟身光比
如來身所現常光百分不及一千分不及一
百十分不及一俱脰分不及一百俱脰分不
及一千俱脰分不及一百千俱脰分不及一

龍
大雅若經四百以五

如是乃至數分等分計分喻分乃至鄔波尼
殺曇分亦不及一何以故以如來身所現常
光熾燃赫奕於諸光中最尊最勝最上最妙
無比無等無上第一蔽諸天光皆令不現猶
如燋炷對瞻部金尔時天帝釋白具壽善現
言今此三千大千世界所有四大天衆天乃
至淨居天皆來集會欲聞尊者實說般若波
羅蜜多唯願尊者知時為說尊者何謂菩薩
摩訶薩般若波羅蜜多云何菩薩摩訶薩應
住般若波羅蜜多云何菩薩摩訶薩應學般
若波羅蜜多時具壽善現告天帝釋言憍尸
迦汝等天衆諦聽諦聽善思念之吾當承佛

威神之力順如來意為諸菩薩摩訶薩眾宣
說般若波羅蜜多如菩薩摩訶薩可於其中
應如是住應如是學憍尸迦諸天等未發
無上菩提心者今皆應發憍尸迦諸有已入
聲聞獨覺正性離生不復能發大菩提心何
以故憍尸迦彼於生死已結界域此中若有
麗 大般若經卷第百五
能於無上正等菩提發心趣者我亦隨喜何
以故憍尸迦諸有勝人應求勝法我終不障
他勝善品憍尸迦汝問何謂菩薩摩訶薩般
若波羅蜜多者汝等諦聽吾當為說憍尸迦
若菩薩摩訶薩發一切智智相應之心以無
所得而為方便思惟性色乃至識若無常若苦

若無我若空若如病若如癱若如箭若如瘡
若熱惱若逼切若敗壞若衰朽若變動若速
滅若可畏若可厭若有災若有橫若有疫若
有勸若不安穩若不可保信思惟眼處乃至
意處思惟色處乃至法處思惟眼界乃至意
界思惟色界乃至法界思惟眼識界乃至意
識界思惟眼觸乃至意觸思惟眼觸為緣所
生諸受乃至意觸為緣所生諸受思惟地界
乃至識界亦復如是憍尸迦是謂菩薩摩訶
薩般若波羅蜜多

復次憍尸迦若菩薩摩訶薩發一切智智相
應之心以無所得而為方便思惟色乃至識

若寂靜若遠離若無生若無滅若無染若無
淨若無作若無為思惟眼處乃至意處思惟
色處乃至法處思惟眼界乃至意界思惟
界乃至法界思惟眼識界乃至意識界思惟
眼觸乃至意觸思惟眼觸為緣所生諸受乃
至意觸為緣所生諸受思惟地界乃至識界
亦復如是憍尸迦是謂菩薩摩訶薩般若波
羅蜜多復次憍尸迦若菩薩摩訶薩發一切
智智相應之心以無所得而為方便思惟無
明緣行行緣識識緣名色名色緣六處六處
緣觸觸緣受受緣愛愛緣取取緣有有緣生
生緣老死乃至純大苦蘊集以無所得而為

麗

大般若經四百六十五

三

方便思惟無明滅故行滅行滅故識滅識滅
故名色滅名色滅故六處滅六處滅故觸滅
觸滅故受滅受滅故愛滅愛滅故取滅取滅
故有滅有滅故生滅生滅故老死乃至純大
苦蘊滅憍尸迦是謂菩薩摩訶薩般若波羅
蜜多復次憍尸迦若菩薩摩訶薩發一切智
智相應之心以無所得而為方便安住內空
乃至無性自性空安住真如法界實際不思
議界安穩界等憍尸迦是謂菩薩摩訶薩般
若波羅蜜多復次憍尸迦若菩薩摩訶薩發
一切智智相應之心以無所得而為方便修
行四念住乃至八聖道支修行空解脫門無

相無願解脫門修行佛十力乃至十八佛不
共法修行一切三摩地門陀羅尼門修行一
切智道相智一切相智憍尸迦是謂菩薩摩
訶薩般若波羅蜜多復次憍尸迦若菩薩摩
訶薩發一切智智相應之心以無所得而為
方便修行布施淨戒安忍精進靜慮般若波
羅蜜多憍尸迦是謂菩薩摩訶薩般若波羅
蜜多復次憍尸迦若菩薩摩訶薩修行般若
波羅蜜多時作如是觀唯有諸法互相滋潤
互相增長互相圓滿思惟校計無我我所復
作是觀諸菩薩摩訶薩迴向心和合諸菩薩摩
和合菩提心亦不與迴向心和合諸菩薩摩

大般若經卷四下

訶薩迴向心於菩提心中無所有不可得菩
提心於迴向心中亦無所有不可得諸菩薩
摩訶薩雖如實觀諸法而於諸法都無所見
憍尸迦是謂菩薩摩訶薩般若波羅蜜多時
天帝釋問善現言云何菩薩摩訶薩迴向心
不與菩提心和合菩提心亦不與迴向心和
合云何菩薩摩訶薩迴向心於菩提心中無
所有不可得菩提心於迴向心中亦無所有
不可得善現答言憍尸迦諸菩薩摩訶薩迴
向心則非心菩提心亦非心不應非心迴向
非心心亦不應迴向非心非心不應迴向於
心心亦不應迴向於心何以故憍尸迦非心

即是不可思議不可思議即是非心如是一
種俱無所有無所有中無迴向義憍尸迦心
無自性心性無故心所亦無心及心所既無
自性故心亦無迴向心義憍尸迦若作是觀
是謂菩薩摩訶薩般若波羅蜜多今時世尊
讚善現曰善哉善哉汝善能為諸菩薩摩訶
薩大般若經四百五宜說般若波羅蜜多亦善勸勵諸菩薩摩訶
訶薩令生歡喜勤修般若波羅蜜多具壽善
現白言世尊我既知恩不應不報何以故過
去如來應正等覺及諸弟子為諸菩薩摩訶
薩眾宜說六種波羅蜜多示現教導讚勵慶
喜安撫建立令得究竟世尊今時亦在中華

今證無上正等菩提轉妙法輪利樂我等故
我今者應隨佛教為諸菩薩摩訶薩衆宜說
六種波羅蜜多示現教導讚勵慶喜安撫建
立令得究竟疾證無上正等菩提是則名為
報彼恩德

尔時具壽善現告天帝釋言憍尸迦汝問云
何菩薩摩訶薩應住般若波羅蜜多者汝等
請聽吾當為說諸菩薩摩訶薩於般若波羅
蜜多如所應住不應住相憍尸迦色色空若
想行識受想行識空菩薩菩薩空若色空若
受想行識空若菩薩空如是切皆無二無
二處憍尸迦諸菩薩摩訶薩於般若波羅蜜

多應如是住憍尸迦眼處眼處空乃至意處
意處空菩薩菩薩空若眼處空乃至若意處
空若菩薩空如是一切皆無二無二處憍尸
迦諸菩薩摩訶薩於般若波羅蜜多應如是
住憍尸迦色處色處空乃至法處法處空菩
薩菩薩空若色處空乃至若法處空若菩薩
空如是麗一切皆無二無二處憍尸六迦諸菩薩
摩訶薩於般若波羅蜜多應如是住憍尸迦
眼界眼界空乃至眼界意界空菩薩菩薩空
若眼界空乃至若意界空若菩薩空如是一
切皆無二無二處憍尸迦諸菩薩摩訶薩於
般若波羅蜜多應如是住憍尸迦色界色界

空乃至法界法界空菩薩菩薩空若色界空
乃至若法界空若菩薩空如是一切皆無二
無二處憍尸迦諸菩薩摩訶薩於般若波羅
蜜多應如是住憍尸迦眼識界空乃至
至意識界意識界空菩薩菩薩空若眼識界
空乃至若意識界意識界空若菩薩空如是一切皆
無二無二處憍尸迦諸菩薩摩訶薩於般若
波羅蜜多應如是住憍尸迦眼觸眼觸空乃
至意觸意觸空菩薩菩薩空若眼觸空乃至
若意觸空若菩薩空如是一切皆無二無二
處憍尸迦諸菩薩摩訶薩於般若波羅蜜多
應如是住憍尸迦眼觸為緣所生諸受眼觸

為緣所生諸受空乃至意觸為緣所生諸受
意觸為緣所生諸受空菩薩菩薩空若眼觸
為緣所生諸受空乃至若意觸為緣所生諸
受空若菩薩空如是一切皆無二無二處憍
尸迦諸菩薩摩訶薩於般若波羅蜜多應如
是住憍尸迦地界地界空乃至識界識界空
麗 大般若經卷第
菩薩菩薩空若地界空乃至若識界空若菩
薩空如是一切皆無二無二處憍尸迦諸菩
薩摩訶薩於般若波羅蜜多應如是住憍尸
迦無明無明空乃至老死老死空菩薩菩薩
空若無明空乃至若老死空若菩薩空如是
一切皆無二無二處憍尸迦諸菩薩摩訶薩

於般若波羅蜜多應如是住。憍尸迦。無明滅。空。乃至老死滅。空。菩薩。菩薩。空。若無明滅。空。乃至若老死滅。空。若菩薩。空。如是一切皆無。二無。二處。憍尸迦。諸菩薩。摩訶薩。於般若波羅蜜多應如是住。憍尸迦。布施。波羅蜜多。空。乃至般若波羅蜜多。空。若布施。波羅蜜多。空。乃至若般若波羅蜜多。空。若菩薩。空。如是一切皆無。二無。二處。憍尸迦。諸菩薩。摩訶薩。於般若波羅蜜多應如是住。憍尸迦。內空。空。乃至無性。自性。空。無性。自性。空。空。菩薩。菩薩。空。若內空空。乃至若無性。

自性空空若菩薩空如是一切皆無二無三
處憍尸迦諸菩薩摩訶薩於般若波羅蜜多
應如是住憍尸迦四念住四念住空乃至十
八佛不共法十八佛不共法空菩薩菩薩空
共四念住空乃至若十八佛不共法空若菩
薩空如是一切皆無二無二處憍尸迦諸菩
薩麗摩訶薩於般若波羅蜜多應如是住憍尸
迦一切三摩地門一切三摩地門空一切陀
羅尼門一切陀羅尼門空菩薩菩薩空若一
切三摩地門空若一切陀羅尼門空若菩薩
空如是一切皆無二無二處憍尸迦諸菩薩
摩訶薩於般若波羅蜜多應如是住憍尸迦

麗
大般若經四百八十五

聲聞乘聲聞乘空獨覺乘無上乘獨覺乘無
上乘空菩薩菩薩空若聲聞乘空若獨覺乘
無上乘空若菩薩空如是一切皆無二無二
處憍尸迦諸菩薩摩訶薩於般若波羅蜜多
應如是住憍尸迦預流預流空乃至如來如
來空菩薩菩薩空若預流空乃至若如來空
若菩薩空如是一切皆無二無二處憍尸迦
諸菩薩摩訶薩於般若波羅蜜多應如是住
憍尸迦一切智一切智空道相智一切相智
道相智一切相智空菩薩菩薩空若一切智
空若道相智一切相智空若菩薩空如是一
切皆無二無二處憍尸迦諸菩薩摩訶薩於

般若波羅蜜多應如是住

時天帝釋問善現言云何菩薩摩訶薩修行

般若波羅蜜多時所不應住善現答言憍尸

迦諸菩薩摩訶薩修行般若波羅蜜多時不

應住色不應住受想行識不應住眼處乃至

不應住意處不應住色處乃至不應住法處

麗 大般若經四百八十五

不應住眼界乃至不應住意界不應住色界

乃至不應住法界不應住眼識界乃至不應

住意識界不應住眼觸乃至不應住意觸不

應住眼觸為緣所生諸受乃至不應住意觸

為緣所生諸受不應住地界乃至不應住識

界不應住無明乃至不應住老死不應住無

明滅乃至不應住老死滅不應住布施波羅
蜜多乃至不應住般若波羅蜜多不應住內
空乃至不應住無性自性空不應住四念住
乃至不應住十八不共法不應住一切三
摩地門不應住一切陀羅尼門不應住聲聞
乘不應住獨覺乘無上乘不應住預流乃至
不應住如來不應住一切智不應住道相智
一切相智何以故憍尸迦如是住者有所得
故復次憍尸迦諸菩薩摩訶薩修行般若波
羅蜜多時不應住此是色乃至此是識不應
住此是眼處乃至此是意處不應住此是色
處乃至此是法處不應住此是眼界乃至此

是意界不應住此是色界乃至此是法界不
應住此是眼識界乃至此是意識界不應住
此是眼觸乃至此是意觸不應住此是眼觸
為緣所生諸受乃至此是意觸為緣所生諸
受不應住此是地界乃至此是識界不應住
此是無明乃至此是老死不應住此是無明
麗 大般若經四百五
滅乃至此是老死滅不應住此是布施波羅
蜜多乃至此是般若波羅蜜多不應住此是
內空乃至此是無性自性空不應住此是四
念住乃至此是十八不共法不應住此是
一切三摩地門此是一切陀羅尼門不應住
此是聲聞乘此是獨覺乘無上乘不應住此

是預流乃至此是如來不應住此是一切智
此是道相智一切相智何以故憍尸迦如是
住者有所得故復次憍尸迦諸菩薩摩訶薩
修行般若波羅蜜多時不應住色乃至識若
常若無常若樂若苦若我若無我若淨若不
淨若空若不空若寂靜若不寂靜若遠離若
不遠離不應住眼處乃至意處若常若無常
乃至若遠離若不遠離不應住色處乃至法
處若常若無常乃至若遠離若不遠離不應
住眼處乃至意處若常若無常乃至若遠離
若不遠離不應住色處乃至法處若常若無
常乃至若遠離若不遠離不應住眼識處乃至

至意識界若常若無常乃至若遠離若不遠
離不應住眼觸乃至意觸若常若無常乃至
若遠離若不遠離不應住眼觸為緣所生諸
受乃至意觸為緣所生諸受若常若無常乃
至若遠離若不遠離不應住地界乃至識界
若常若無常乃至若遠離若不遠離不應住
麗 大般若經卷第五
無明乃至老死若常若無常乃至若遠離若
不遠離不應住無明滅乃至老死滅若常若
無常乃至若遠離若不遠離不應住布施波
羅蜜多乃至般若波羅蜜多若常若無常乃
至若遠離若不遠離不應住內空乃至無性
自性空若常若無常乃至若遠離若不遠離

十一

不應住四念住乃至十八佛不共法若常若
無常乃至若遠離若不遠離不應住一切三
摩地門一切陀羅尼門若常若無常乃至若
遠離若不遠離不應住聲聞乘獨覺乘無上
乘若常若無常乃至若遠離若不遠離不應
住預流乃至如來若常若無常乃至若遠離
若不遠離不應住一切智道相智一切相智
若常若無常乃至若遠離若不遠離何以故
憍尸迦如是住者有所得故。

後次憍尸迦諸菩薩摩訶薩修行般若波羅
蜜多時不應住預流果若有為所顯若無為
所顯不應住一來不還阿羅漢果獨覺菩提

諸佛無上正等菩提若有為所顯若無為所
顯何以故憍尸迦如是住者有所得故復次
憍尸迦諸菩薩摩訶薩修行般若波羅蜜多
時不應住預流是福田不應住一來不還阿
羅漢獨覺菩薩如來是福田何以故憍尸迦
如是住者有所得故復次憍尸迦諸菩薩摩
訶薩修行般若波羅蜜多時不應住初地乃
至不應住第十地何以故憍尸迦如是住者
有所得故所以者何如是住者有動轉故復
次憍尸迦諸菩薩摩訶薩修行般若波羅蜜
多時不應住初發心已便作是念我當圓滿
布施波羅蜜多乃至般若波羅蜜多不應住

麗 大般若經卷第五

十二

初發心已便作是念我當修行四念住乃至
八聖道支不應住初發心已便作是念我當
修行空無相無願解脫門乃至十八佛不共
法不應住作是念我修加行既圓滿已當入
菩薩正性離生不應住作是念我已得入正
性離生當住菩薩不退轉地不應住作是念
我當圓滿菩薩五通不應住作是念我住菩
薩圓滿五通常遊無量無數佛土禮敬瞻仰
供養承事諸佛世尊聽聞正法如理思惟廣
為他說何以故憍尸迦如是住者有所得故
復次憍尸迦諸菩薩摩訶薩修行般若波羅
蜜多時不應住作是念我當嚴為十方佛

所居淨土不應住作是念我當化作如十方
佛所居淨土不應住作是念我當成熟諸有
情類令證無上正等菩提或般涅槃或人天
樂不應住作是念我當往詣無量無數諸佛
國土供養恭敬尊重讚歎諸佛世尊復以無
邊華香瓔珞寶幢幡蓋衣服卧具飲食燈明
麗大般若經四百八十五
百千俱胝那庾多數天諸伎樂及無量種上
妙珍財而為供養不應住作是念我當安立
無量無數無邊有情令於無上正等菩提得
不退轉何以故憍尸迦如是住者有所得故
復次憍尸迦諸菩薩摩訶薩修行般若波羅
蜜多時不應住作是念我當成辨清淨肉眼

天眼慧眼法眼佛眼不應住作是念我當成
辨諸等持門於諸等持自在遊戲不應住作
是念我當成辨諸持門於諸持門皆得自
在不應住作是念我當成辨如來十力四無
所畏四無礙解大慈大悲大喜大捨十八佛
不共法不應住作是念我當成辨三十二相
八十隨好所莊嚴身令諸有情見者歡喜觀
無厭倦由斯證得利益安樂何以故憍尸迦
如是住者有所得故復次憍尸迦諸菩薩摩
訶薩修行般若波羅蜜多時不應住此是第
八補特伽羅此是隨信行此是隨法行不應
住此是預流極七返有此是家家此是一閻

不應住此是齊首補特伽羅乃至壽盡煩惱
方盡不應住此是預流定不墮法此是一來
至此世間得盡苦際不應住此是不還向此
是不還果往彼方得般涅槃者不應住此是
阿羅漢永盡後有現在必入無餘涅槃不應
住此是獨覺不應住此是如來應正等覺不
麗應住作是念我起聲聞獨覺地已住菩薩地
大般若經卷第五
不應住作是念我當具足一切智道相智一
切相智覺一切法一切相已永斷一切煩惱
纏結習氣相續不應住作是念我當證得所
求無上正等菩提得成如來應正等覺轉妙
法輪作諸佛事度脫無量無數有情令得涅

十四

繁畢竟安樂不應住作是念我當善修四神
足已安住如是殊勝等持由此等持增上勢
力令我壽命如殞伽沙大劫而住不應住作
是念我當獲得壽量無邊不應住作是念我
當成就三十二相是一一相百福莊嚴不應
住作是念我當成就八十隨好是一一好有
無數量希有勝事不應住作是念我當安住
一嚴淨上具土寬廣於十方如殞伽沙世
界之量不應住作是念我當安坐一金剛座
其座廣大量等三千大千世界不應住作是
念我當居止大菩提樹其樹高廣衆寶莊嚴
所出妙香有情聞者貪瞋癡等心疾皆除無

量無邊身病亦愈諸有聞此菩提樹香雜諸
聲聞獨覺作意必獲無上正等菩提不應住
作是念願我當得嚴淨佛土其土清淨無色

蘊名聲無受想行識蘊名聲無眼處名聲無
耳鼻舌身意處名聲無色處名聲無聲香味

觸法處名聲無眼界名聲無耳鼻舌身意界

麗

大般若經四百五

十五

名聲無色界名聲無聲香味觸法界名聲無

眼識界名聲無耳鼻舌身意識界名聲無眼

觸名聲無耳鼻舌身意觸名聲無眼觸為緣

所生諸受名聲無耳鼻舌身意觸為緣所生

諸受名聲無地界名聲無水火風空識界名

聲無無明名聲無行識名色六處觸受愛取

有生老死名聲唯有布施波羅蜜多名聲乃至唯有般若波羅蜜多名聲唯有內空名聲乃至唯有無性自性空名聲唯有真如名聲乃至唯有不思議界名聲唯有四念住名聲廣說乃至唯有十八佛不共法名聲其中都無預流一來不還阿羅漢獨覺異生等名聲唯有菩薩摩訶薩如來應正等覺等名聲何以故憍尸迦如是住者有所得故所以者何一切如來應正等覺證得無上正等菩提時覺一切法都無所有一切菩薩摩訶薩衆住不退轉地時亦見諸法都無所有憍尸迦是為菩薩摩訶薩於般若波羅蜜多如所應住

不應住相憍尸迦諸菩薩摩訶薩於深般若
波羅蜜多隨所應住不應住相以無所得而
為方便應如是學

爾時舍利子作是念言若菩薩摩訶薩修行
般若波羅蜜多時於一切法不應住者云何

應住般若波羅蜜多具壽善現知舍利子心

麗大般若經卷第五

十六

之所念便謂之曰於意云何諸如來心為何
所住舍利子言諸如來心都無所住所以者
何善現如來之心不住色不住受想行識不
住眼處不住耳鼻舌身意處不住色處不住
聲香味觸法處不住眼界不住耳鼻舌身意
界不住色界不住聲香味觸法界不住眼識

界不住耳鼻舌身意識界不住眼觸不住耳
鼻舌身意觸不住眼觸為緣所生諸受不住
耳鼻舌身意觸為緣所生諸受不住有為界
不住無為界不住四念住廣說乃至不住十
八佛不共法不住一切知不住道相智一切
相智何以故以一切法不可得故如是善現
如來之心於一切法都無所住亦非不住時
具壽善現謂舍利子言諸菩薩摩訶薩修行
般若波羅蜜多時亦復如是雖住般若波羅
蜜多而同如來於一切法都無所住亦非不
住所以者何舍利子諸菩薩摩訶薩修行般
若波羅蜜多時雖住般若波羅蜜多而於色

非住非不住乃至於一切相智亦非住非不
住何以故舍利子以色等法無二相故舍利
子諸菩薩摩訶薩於深般若波羅蜜多隨此
非住非不住相以無所得而為方便應如是
學今時會中有諸天子竊作是念諸藥叉等
言詞呪句雖復隱密而我等輩猶可了知尊
麗
者善現於此般若波羅蜜多雖以種種言詞
大般若經四百六十五
顯示而我等輩竟不能解其壽善現知諸天
子心之所念便告彼言汝等天子於我所說
不能解耶諸天子言如是如是具壽善現復
告彼言我曾於此甚深般若波羅蜜多相應
義中不說一字汝亦不聞當何所解何以故

諸天子甚深般若波羅蜜多相應義中文字
言說皆遠離故由此於中說者聽者及能解
者皆不可得一切如來應正等覺所證無上
正等菩提微妙甚深亦復如是諸天子如諸
如來應正等覺化作化身如是化身化作四
衆俱來集會而為說法於意云何是中有實
能說能聽能解者不諸天子言不也大德善
現告言如是諸天子一切法皆如化故今於
此甚深般若波羅蜜多相應義中說者聽者
及能解者都不可得諸天子如人夢中夢見
有佛為諸大衆宣說正法於意云何是中有
實能說能聽能解者不諸天子言不也大德

善現告言如是諸天子一切法皆如夢故今
於此甚深般若波羅蜜多相應義中說者聽
者及能解者都不可得諸天子如有二人處
一山谷各住一面讚佛法僧俱時發響於意
云何此二響聲能互相聞互相解不諸天子
言不也大德善現告言如是諸天子一切法
皆如響故今於此甚深般若波羅蜜多相應
義中說者聽者及能解者都不可得諸天子
如巧幻師或彼弟子於四衢道幻作四象及
一如來應正等覺是幻如來應正等覺為幻
四象宜說正法於意云何是中有實說者聽
者能解者不諸天子言不也大德善現告言

如是諸天子一切法皆如幻故今於此甚深
般若波羅蜜多相應義中說者聽者及能解
者都不可得諸天子由此因緣我曾於此甚
深般若波羅蜜多相應義中不說一字汝亦
不聞當何所解

大般若波羅蜜多經卷第四百二十五 麗


山城國綴喜郡新村

靈瑞山崎恩卷沙門宗桂書寫之



麗

大般若經
卷第五



十九

五

